



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-181-2/22**
Datum: **28.04.2022. godine**

„Agencija za vodno područje rijeke Save“ Sarajevo (u daljnjem tekstu: Agencija) rješavajući po zahtjevu investitora „PIRNAR“ d.o.o. Bosanski Petrovac, za izdavanje vodne dozvole za aktivnosti koje mogu privremeno ili trajno degradirati kvalitet vode, ili ometati poboljšanje njihovog postojećeg kvaliteta sa lokacije objekta pogona za proizvodnju ulaznih vrata od aluminijuma sa pratećim objektima u poslovnoj zoni Goričani, općina Bosanski Petrovac na osnovu članova 130.,109. stav 2. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98 i 48/99), **donosi:**

RJEŠENJE **o vodnoj dozvoli**

1. Daje se vodna dozvola korisniku „PIRNAR“ d.o.o. Bosanski Petrovac za aktivnosti koje mogu privremeno ili trajno degradirati kvalitet vode, ili ometati poboljšanje njihovog postojećeg kvaliteta sa lokacije objekta pogona za proizvodnju ulaznih vrata od aluminijuma sa pratećim objektima u poslovnoj zoni Goričani, općina Bosanski Petrovac, izgrađenog na zemljištu označenom kao k.č. broj: 59-1/13, K.O. Petrovac, općina Bosanski Petrovac.
2. Ova vodna dozvola se odnosi na aktivnosti koje mogu privremeno ili trajno degradirati kvalitet voda, ili ometati poboljšanje njihovog postojećeg kvaliteta za predmetni poslovni objekt definisan tačkom 1. ovog rješenja i ne oslobađa podnosioca zahtjeva obaveze pribavljanja vodne dozvole za korištenje vode i ispuštanje sanitarnih otpadnih voda, za čije je izdavanje nadležno Ministarstvo poljoprivrede vodoprivrede i šumarstva Unsko-sanskog kantona, u skladu sa članom 139. stav 2. tačka 1. i 2. Zakona o vodama.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uslovima:
 - 3.1. Da korisnik predmetnog pogona za proizvodnju ulaznih vrata od aluminijuma sa pratećim sadržajima, isti održava u funkcionalnom stanju i koristi u skladu sa njegovom prirodom i namjenom te u skladu sa uslovima iz ove vodne dozvole.
 - 3.2. Da se sa opasnim i štetnim materijama postupa savjesno pri skladištenju, transportu i pretovaru kako ne bi došlo do štetnih posljedice uslijed prosipanja istih.
 - 3.3. Da se pribavi atestna dokumentacija za ugrađene separatore ulja i masti (kapacitet 10 i 15 l/s) te uradi ispitivanje vodonepropusnosti kanalizacionog sistema, uz sastavljen Zapisnik o ispitivanju.
 - 3.4. Da se izvrši dopuna Glavnog projekta vanjskih instalacija na način da se obuhvati i instalirano postrojenje za proizvodnju ulaznih vrata od drveta. Potrebno obraditi proces lakiranja elemenata i obrade drvenih predgotovljenih profila i ploča sa aspekta uticaja na vode te pribaviti upotrebnii dozvolu.
 - 3.5. Da se spriječi eventualno istjecanje ulja iz spremnika trafoa izgradnjom vodonepropusne tankvane, zapremine veće od zapremine spremnika trafo ulja.
 - 3.6. Da se radovi na izradi ulaznih vrata od drvenih profila provode na način da se spriječi dospijevanje piljevine i prašine u površinske i/ili podzemne vode (investitor je u međuvremenu instalirao opremu za izradu ulaznih vrata primjenom predgotovljenih profila izrađenih od raznih vrsta drveta).
 - 3.7. Da se istrošena ulja, nauljene krpe i sav opasan otpad koji se koristi u procesu čišćenja i održavanja objekata i postrojenja redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.
 - 3.8. Da korisnik predmetnog objekta, za vrijeme trajanja ove dozvole, obezbjeđuje da se oborinske vode sa internih saobraćajnih i radnih površina za sapiranje transportnih kamiona nesmetano sakupljaju i odvođe do objekata predviđenih za tretman otpadnih voda (separatori ulja i masti), a zatim tretirane vode ispuštaju u tlo putem dva upojna bunara, na stražnjoj strani objekta,

- 3.9. Objekte za prikupljanje, tretman i ispuštanje oborinskih voda (slivnici, rešetke, kanalizaciona mreža, separator ulja i masti, i dr.) potrebno je održavati i koristiti na takav način koji će obezbijediti njihovu potpunu ispravnost i funkcionalnost. Čišćenje i pražnjenje uređaja za tretman otpadnih voda, odnosno separatora ulja i masti, može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službenu evidenciju i arhivu.
- 3.10. Ukoliko korisnik objekta stavi u upotrebu plato za pranje kamiona dolazit će do produkcije tehnoloških otpadnih voda gdje je isti obavezan podnijeti zahtjev za izdavanje vodne dozvole za aktivnost ispuštanja tehnoloških otpadnih voda.
- 3.11. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, ulja i slično (iz spremnika i motora uskladištenih poljoprivrednih mašina, i slično), kako bi se spriječilo moguće onečišćenje voda i tla (piljevina, prikladni apsorbenzi, odgovarajuće posude, uređaji za pretakanje i sl.).
- 3.12. Talog iz separatora se ne smije ni privremeno odlagati na česticu „vodno dobro“, odnosno u vodotoke i na njegove obale.
- 3.13. Opasni materijal i otpad, koji se koristi ili producira u toku proizvodnog procesa ne smije se ni privremeno odlagati na česticu «vodno dobro», odnosno u vodotok i na njegove obale.
4. Vlasnik, odnosno korisnik objekta je obavezan vršiti plaćanje posebne vodne naknade u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11 i 88/12).
5. U periodu važenja ove dozvole, korisnik „PIRNAR“ d.o.o. Bosanski Petrovac je dužan provoditi sve mjere i aktivnosti propisane istom.
6. Ukoliko radom predmetnog objekta dođe do promjene režima površinskih i/ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
7. U ovoj upravnoj stvari plaćene su sve upravne pristojbe.
8. Prava stečena po ovoj dozvoli ne mogu se prenositi na treća lica.
9. Ova vodna dozvola, shodno članu 117. stav 1. Zakona o vodama („Službene novine Federacije BiH“, broj 70/06) se daje sa rokom važenja od 5 (pet) godina, od dana pravosnažnosti ovog rješenja.
10. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
11. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Investitor, „PIRNAR“ d.o.o. Bosanski Petrovac, obratio se ovoj Agenciji dana 10.03.2022. godine sa zahtjevom za izmjenu Rješenja o vodnoj dozvoli broj: UP-I/25-3-40-555-5/19 od 12.11.2019. godine.

Izmjena je tražena iz razloga što je naknadno utvrđeno od strane Federalnog vodnog inspektora da na terenu nema ispuštanja tehnoloških otpadnih voda te da se investitor obrati Agenciji za izmjenu Rješenja o vodnoj dozvoli u skladu sa članom 130. stav 1. tačka 3. Zakona o vodama („Službene novine Federacije BiH“, broj 70/06).

U novom provedenom postupku, pregledana je slijedeća dokumentacija koja se nalazi u spisu broj: UP-I/25-3-40-555-1/19:

- Ovjerena Rješenja o registraciji, izdano dana 24.08.2019. godine pod brojem 017-0-Reg-09-000457, od strane Općinskog suda u Bihaću,
- Kopija Rješenja o izmjenama podataka; izdano od strane Općinskog suda u Bihaću pod brojem 017-0-Reg-18-000771, dana 13.11.2018. godine,
- Ovjerena kopija Uvjerenja o poreznoj registraciji, izdano dana 07.12.2018. godine, od strane Federalnog ministarstva finansija, Porezne uprave Federacije BiH – Kantonalni porezni ured BIHAĆ,
- Ovjerena kopija rješenja, kojim se u Jedinstveni registar obveznika indirektnih poreza upisuje promjena naziva i adrese sjedišta obveznika indirektnih poreza, PIRNAR d.o.o., Kolunić bb, Bosanski Petrovac, 77 250 Bosanski Petrovac; izdano od strane Sektora za poreze Uprave za indirektno – neizravno oporezivanje Bosne i Hercegovine pod brojem: 04/1-17-1-UPJR/1-489-1/19, dana 06.02.2019. godine, u Banjaluci,
- Ovjerena kopija Uvjerenja o registraciji/upisu u Jedinstveni registar obveznika indirektnih poreza; izdano od strane Uprave za indirektno-neizravno oporezivanje Banjaluka pod brojem 04/1-17-1-UPJR/1-489-2/19, dana 06.02.2019. godine, u Banjaluci,

- Kopija Naloga za plaćanje upravne pristojbe te federalna administrativna taksa,
- Popratni akt o dopuni podneska zahtjeva od 23.10.2019. godine,
- Kopija rješenja o okolišnoj dozvoli, kojim se izdaje okolišna dozvola operatoru „PIRNAR“ d.o.o. Bosanski Petrovac za poslovni objekat, za proizvodnju aluminijskih ulaznih vrata i plinsko postrojenje kapaciteta 60 m³, koji se planira graditi na zemljištu označenom kao k.č. broj 59-1/12, k.o. Petrovac, u poslovnoj zoni „Gorinčani“, u općini Bosanski Petrovac, kapaciteta plinskog postrojenja 60 m³ (oko 30.000 kg); izdano od strane Ministarstva za građenje, prostorno uređenje i zaštitu okoliša Unsko-sanskog kantona pod brojem 11-23-6348-UP-1/17, dana 25.08.2017. godine, u Bihaću,
- Kopija rješenja, kojim se daje naknadna urbanistička saglasnost investitoru d.o.o. „Pirnar“, Kolunić, općina Bosanski Petrovac, za legalizaciju: 1. poslovno-proizvodnog objekta (fabrike za proizvodnju ulaznih vrata), tlocrtne veličine 181,95 x 120,50 m, 2. plinskog postrojenja, tlocrtne veličine 24,42 x 5,21 m, zapremine 60 m³, izgrađenih na zemljišnoj parceli označenoj kao k.č. 59/1-13, K.O. Petrovac u poslovnoj zoni „Gorinčani“, općina Bosanski Petrovac; izdano od strane Službe za prostorno uređenje, katastar i imovinsko-pravne poslove općine Bosanski Petrovac pod brojem 04-23-9373-UP-1/17, dana 20.09.2017. godine,
- Kopija rješenja, kojim se daje naknadno odobrenje za građenje, investitoru d.o.o. „Pirnar“, Kolunić, općina Bosanski Petrovac, za legalizaciju: 1. poslovno-proizvodnog objekta (fabrike za proizvodnju ulaznih vrata), tlocrtne veličine 181,95 x 120,50 m, spratnosti prizemne i u administrativnom dijelu spratnosti P+1, 2. plinskog postrojenja kapaciteta, tlocrtne veličine 24,42 x 5,21 m, zapremine 60 m³; izgrađenih na zemljišnoj parceli označenoj kao k.č. 59/1-13, K.O. Petrovac u poslovnoj zoni „Gorinčani“, općina Bosanski Petrovac; izdano od strane Službe za prostorno uređenje, katastar i imovinsko-pravne poslove općine Bosanski Petrovac pod brojem 04-23-9408-UP-1/17, dana 12.10.2017. godine,
- Kopija rješenja o vodnoj saglasnosti, kojim se investitoru, PIRNAR d.o.o. Bosanski Petrovac, daje vodna saglasnost za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta sa lokacije pogona za proizvodnju ulaznih vrata od aluminijuma sa pratećim sadržajima, predviđenog za gradnju na zemljištu označenom kao k.č. 59-1/12 K.O. Petrovac, u poslovnoj zoni Gorinčani, općina Bosanski Petrovac; izdano od strane Agencije za vodno područje rijeke Save Sarajevo pod brojem: UP-I/25-2-40-792-10/17, dana 27.07.2018. godine,
- Kopija Zapisnika o inspekcijskom nadzoru; urađen dana 23.09.2019. godine od strane Federalnog vodnog inspektora Federalne uprave za inspekcijske poslove pod brojem: UP1-14-25-2-00141/2019-1405-P-1-P,
- Kopija Ugovora broj: 97/19 o preuzimanju, skladištenju i zbirnjavanju opasnog otpada; zaključen sa pravnim licem GRIOSS d.o.o. Grude, dana 18.07.2018. godine,
- Zaključak ovisini i roku za plaćanje psebnih troškova; izdan od strane ove Agencije pod brojem: UP-I/25-3-40-555-2/19, dana 18.10.2019. godine, te kopija naloga za plaćanje istih.

Razmatrajući predmetni zahtjev i njemu priloženu dokumentaciju utvrđeno je, da je za predmetni objekat od strane ove Agencije izdata vodna dozvola broj: UP-I/25-3-40-555-5/19 od 12.11.2019.godine. Rješenje je izdato za ispuštanje onečišćenih oborinskih voda i aktivnosti koje mogu privremeno ili trajno degradirati kvalitete voda, ili ometati poboljšanje njihovog postojećeg kvaliteta sa lokacije objekta pogona za proizvodnju ulaznih vrata od aluminijuma sa pratećim sadržajima, lociranog u poslovnoj zoni Gorinčani, općina Bosanski Petrovac. Pri inspekcijskom nadzoru, federalni vodni inspektor je utvrdio da nema ispuštanja oborinskih onečišćenih voda te je Investitora uputio da u skladu sa tačkom 11. izdatog Rješenja zatraži izmjenu vodnog akta.

Projektna dokumentacija nije dostavljena uz zahtjev iz razloga što je ista pregledana u prethodno podnesenom zahtjevu za izdavanje vodne dozvole.

Prema Zapisniku o uviđaju broj: UP-I/25-3-40-555-3/19 od 05.11.2019. godine utvrđeno je da plato za pranje kamiona nije u upotrebi te samim tim i ne nastaju tehnološke otpadne vode, ukoliko isti se stavi u upotrebu potrebno je ishodovati vodni akt za ispuštanje tehnoloških otpadnih voda koji iziskuje i vršenje monitoringa od strane navedenog Investitora.

Razmatrajući podneseni zahtjev, a na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog kompleksa na stanje voda i vodni režim, podnosiocu zahtjeva su ovom vodnom dozvolom propisani uslovi pod kojima je izdato ovo rješenje i koji se trebaju ispoštovati u toku važenja istog, a sve u skladu sa odredbama Zakona o vodama, Pravilnika o sadržaju, obliku, uvjetima načinu izdavanja i čuvanja vodnih akata Uredbe o uslovima ispuštanja otpadnih voda u okoliš i sisteme javne kanalizacije.

Na osnovu člana 130. stav 1. tačka 3. Zakona o vodama („Službene novine Federacije BiH“, broj 70/06) konstatuje se da je podnosilac zahtjeva ispoštovao uslove za izmjenu Rješenja o vodnoj dozvoli broj: UP-I/25-3-40-555-5/19 od 12.11.2019.godine koje prestaje da važi donošenjem ovog Rješenja.

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Ahmet Smajlović, dipl. inž. arh.

Po ovlaštenju
Rukovodilac sektora za izdavanje vodnih akata



Haris Ališehović
Haris Ališehović, dipl. inž. građ.

Dostaviti:

- „PIRNAR“ d.o.o. Bosanski Petrovac, Poslovna zona Gorinčani, 77 250 Bosanski Petrovac
- AVP Sava, ISV – Vodna knjiga,
- Sektor 50,
- Sektor 40, arhiva,
- Oglasna ploča AVP Sava